



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1546. usque ad annum 1549

**Fleury, Claude**

**August. Vind. [u.a.], 1770**

**VD18 90118529**

§. 102. Scriptorum alii hoc anno mortui.

---

[urn:nbn:de:hbz:466:1-66608](https://nbn-resolving.org/urn:nbn:de:hbz:466:1-66608)

Pariter inter profanos Scriptores Sæc. XVI.  
A.C. 1547.  
Plinium, Titum, Livium, Tacitum, Senecam, Theophrasten, & Vellejum Paterculum præcipue notis illustravit, ac duos illius libros primus ipse typis vulgaverat. Insuper elucubravit elegantissimam Germaniæ Historiam, quæ Anno Christi millesimo quingentesimo trigesimo primo publicam lucem aspexit: ipse vero obiit Rhenanus Argentinæ Anno supra millesimum quingentesimo quadragesimo septimo, annos natus circiter sexaginta duos. Ceterum nec conjugii vinculis, nec publicorum officiorum oneribus unquam sese subicere voluit, & locupletissimam suam Bibliothecam Selestadiensi urbi, in qua natus erat, dono reliquit.

## §. CII.

*Scriptorum alii hoc anno mortui.*

Eodem die, quo Vatablus obiit, etiam Thoul 2. n. 8.  
Spond. ad  
hunc an. n. 28.  
Vossius Ma-  
them p. 451.  
Crusius in  
annal. Suev.  
Melch. Adams  
in vita Germ.  
Jurisc.  
Gesner, in  
Bibl.  
Parisiis decessit Jacobus Tuffanus Rhenensis, qui ambo eadem die in Regionum Professorum collegium fuere adoptati & hic quidem Græcum, alter vero hebraicum idioma docuit. Præterea Joannes Schonner Germanus Carolstadii natus Norimbergæ, ubi sedem fixerat, hoc item anno mortalitatem exiit, postquam sexagesimum secundum ætatis suæ

Sæcul. XVI.  
A.C. 1547.

fuæ annum expleverat. Hic ibidem non sine magna nominis sui fama scientias Mathematicas tradebat, præcipue vero celebrem se reddidit per suas Astronomiæ Tabulas, quas post Regiomontanum publici juris fecit, tanta usus perspicuitate, ut illæ passim *Tabulæ resolutæ* appellari mererentur. Insuper inclaruiffe dicitur illa scientia, quæ ex Astrorum situ, ac contemplatione de cuiusque fortuna iudicium ferendi libertatem sibi arrogat; hanc itaque scientiam prorsus vanam Schonnerus multis animadversionibus locupletavit, nec minus scripsit etiam Isagogen ad Astrologiam iudiciariam, nec non tractatum de usu Globi cœlestis. Reliquit etiam Planisphærium Astronomicum seu Meteoroscopium præter alia quædam opuscula de eodem argumento. Huic merito adjungi potest Conradus Peutingerus Jurisconsultus Augustanus, qui Anno Domini millesimo quingentesimo quadragésimo septimo, ætatis vero suæ octogésimo secundo die vigesima octava Decembris vivis ereptus est, quamvis ob grave senium adeo absumptus, viribusque exhaustus esset, ut jure de eo affirmari queat, quod diu vivendo jam dudum vivere desierit: Unde illius memoria primum revixisse videtur per *tabulam Peutingerianam*, seu Mappam ad finem

finem quarti sæculi sub Imperio Theodofii Magni concinnatam, in qua indicantur itinera, quæ per potiffimam Imperii Occidentalis partem Romanorum copiarum tenebant. Hæc tabula ideo a docto hoc Auctore nomen adeptæ est, eo quod hic illius possessor eandem cum ingenti sollicitudine conservasset, eamque quadragesimo post illius obitum anno Marcus Velferus edi curasset. Ceterum Peutingerus posteris reliquit quam plurima opuscula, atque inter alia *sermones convivales &c.*

Sæcul. XVI.  
A.C. 1547.

§. CIII.

*Barbarossæ Piratæ extrema.*

Mense Majo ejusdem Anni Turcicum Imperium amisit celebrem Barbarossam Algeriæ Regem, ac supremum suæ classis Præfectum. Hic reficiendæ classi suæ, novisque ædificandis ad navalia triremibus maxime intentus Constantinopoli octogenario major morte sublatus est, ejusque jacturam Solimanus summo dolore percipiens, eidem Droghatum in classis imperio suffecit.

§. CIV.

*Ferdinandi Cortesii obitus.*

Hoc item anno naturæ debitum solvit Fernandus, seu Ferdinandus *Thou l. c. Spond. 29.*  
*Hist. Eccles. Tom. XXXIX. G g Cor-*